

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono. (1779)

QUÆSTIO MEDICA

Cardinalitiis disputationibus manè discutienda in Scholis Medicorum, die Veneris 25. Februarii.

M. RENATO LE CONTE, Doctore Medico, Præside.

An Cervisia, Potus saluberrimus?

QUOD per domesticas & peregrinas causas, tum solidæ, tum fluidæ corporum viventium substantiæ deperit & detrahitur, id identidem per esculenta & potulenta utcunque reponitur & reficitur: hinc perennis horum necessitas ad vitæ & corporis molis incrementum & conservationem. At cum non omnibus omnia alimenta & potulenta ex æquo conveniant: ea seligenda sunt habitâ imprimis ratione animantium, sexûs, ætatis, temporis, soli, regionis, secundæ aut adversæ valetudinis: alia sunt brutorum, alia hominum, infantium, juvenum, mulierum, virorum, sanorum, & ægrorum: alia hyeme, alia æstate, alia in Oriente & Occidente requiruntur, alia in Meridie & Septentrione. Quam pauca præter Cervisiam invenias potulenta quæ conveniant toti ferè animantium generi, omni sexui, ætati, tempori, regioni & quæ in secundâ & adversâ valetudine tutius consumi possint. Medicinæ est, quam merito dixeris salutis humanæ præsidem artem, illa sanis corporibus & ægris ubique promittere & exhibere,

VINUM laudent sapientiores ut pharmacum lætificans cor hominis. Laudent & illud Baccho devoti clientes, quosque juvat violentiâ vini conturbare animam corpore in ipso. Voluptuarium tamen venenum sitim accendit auctâ bibendi aviditate & voluptate, & dum limpidissimo suo liquore partes proluendo humectare molliiter videtur, dolofo ardore succendit insidiosus hostis. Qui vinum non odit, amet, ô Neustria, tua pomacea, nobiles vappas, factitia vina, citius acescentia. Canat verò Pindarus *ἄκραν πὶ ὕδαρ*; sed ut primum in Elementis δὲ *ζευγὸς μενέσσης ἔξοχα πᾶσι* sicuti aurum pretiosissimum in Metallis. Aqua imbecillissima vix alit, quod norunt edaciores hydropotæ; cocta, tumultum lenta feret stomacho. Potent suas lymphas limonibus & saccharo conditas Muhammedi asseclæ, quos vini abstinentia armis potentior fecerat terrarum dominos. Potent & Sarmatæ & Poloni suum non innoxium *ὕδρην*: ista habent suas dotes sed suis viriis & damnis quandoque infames; dulcia se in bilem vertunt, obstructisquæ visceribus ut plurimum nocent. Si quæ, alieno vitio, Cervisia ferat incommoda, hæc suâ virtute innumeris compensat commodis; degeneres potus, constans & inemendabilis arguit improbitas.

CERVISIA vetustissimum potionis genus, Herodoto *ἄνθος ἐκ κελίας πεποιημένος*, Theophrasto *ἄνθος ἐκ τῆς κελίας, ἢ τῆς πεπιδυ*: Gallorum olim, nunc borealium populorum nectar, ex hordeo & tritico ad hunc modum optima conficitur. Frumentum aquâ maceratum donec intumescat, acervatim sepositum germen emittit, furno exsiccandum imponitur, tostum, in crassiore farina molâ redigitur, vel aquâ coquitur, vel fervidâ tantum irrigatur, colatura, lupuli floribus injectis iterum coquitur ad minorem ipsius amaritudinem: hoc decoctum rursus colatum ac tepesactum, fervet adjectis Cervisiæ fecibus; deinde dolis infusum, ad domesticos usus reconditur. Ut panis ex frumento cibus saluberrimus, sic Cervisia genuinus critici foetus aut ut itâ dicam panis liquidus, potus est saluberrimus; illius & hujus maximè miscibiles & sibi invicem proportionatæ particulae ut potè homogeneæ, facilius unâ in stomacho concoquantur, facilius unâ transeunt per ductus chylicos; & juvante figurarum similitudine permeant melius vasâ nutritioni inservientia, & unicuique parti ad quam deferuntur ad incrementum & nutrimentum, assimilantur & uniuntur perfectius ob suæ compositionis analogiam. In plagis Septentrionalibus datur infantibus adhuc lactentibus puls seu pulmentum ex medullâ panis intritâ & coctâ in Cervisiâ, quod salubritate superat nostram pultriculam farinaceam & lacteam, deficiente fermento, infantilis ventriculi & intestinorum tortorem. Lenissimum & benignissimum continet Cervisia fermentum, sitis domitorem potentissimum. Ejus spuma filigineo panî nunc & antiquitûs adjecta, hunc & leviores & salubriores efficit. Hæc te soletur quòd frumenta nostratia, Asiaticis inferiora, ad concoctionem & nutritionem fermenta postulant. Hoc habet Asiatici frumenti bonitas, ut rejiciat corruptivam fermenti admixtionem, & extemporaneum & boni fucci suppediet panem.

NON omnis fert omnia tellus, non ubique æqualis bonitatis Cervisia. Differentia major à frumentis, aëre, locis, & aquis; inter exoticas, optima Bruxellensis, Harleimensis; crassior & gravior Amstelodamensis; gratissima Londinensis. Verùm ne peregrinis invidetas, domesticis contentus, quas ames habet tua Lutetia Cervisia, Nymphae patriæ, arti, Solo, & opimis Franciæ frugibus obscundantes, largiter effundunt latices poculis aptos cerealibus. Elige quæ conficiuntur ad superiores & proximas Sequanæ ripas; deinde quæ in suburbii sancti Germani decliviori immensæ urbis loco, scaturiente in puteis aquâ ex alluente Sequanâ; his bonitate proxima quæ ad sanum divi Antonii, deteriora & gravissima quæ in suburbii sancti Victoris & Marcelli ex turbulento nempè * rivo, illâc præterfluente, & ex petrosis, frigidissimis & durissimis puteorum fontibus parata. Caveas ne his poculis immisceantur semina Coriandri, mirâ enim vitiorum & fraudum solertiâ inventum, quemadmodum Cervisia magis & pejus inebriaret. Infundatur Hormini fragrantis semen, Moscatelli vini saporem & odorem suaviter referet cerealis ille liquor: huic acescenti injecta creta medetur.

* La Bièvre.

MULTIPLEX Cervisia ex multiplici coctionis gradu, ex majori aut minori frugum copiâ; sed ea melior censenda, quæ tenuior aut secundaria, confecta vel Martio & Aprili mensibus, vel temperato cælo, non acescens, nec recentior, nec vetustior. Illam ægris & febricitantibus securus propina, priscannæ vulgaris & jusculorum vice. Priscanna vel lentore alvum astringit, vel suo pondere & humiditate movet sine more, laxâ ventriculi compage, intestina & venæ omnes accipiunt inimicum imbrem, rimisque fatigant; hinc hydrôpes, hinc contumaciores morbi. Juscula ex dissolutis partibus carniū sulphureis confata, febrilia incendia non minuunt sed augent, non resingunt sed accendunt, ægros non tam nutriunt quam lædunt. Mirare quos homines ferunt & alunt Septentrionales plage omnes penè abstemiæ, proceros, robustos, oris formâ & colore eximios, integrâ corporis constitutione præstantes ultra vires fortemquæ senectæ, nervorum & articularum vitii, calculo, renum & vesicæ tormentis rariûs obnoxios. Cervisia temperat viscerum æstus, obstructos partium meatus aperit; alvum & urinam leniter citat; nimis calida & sicca corpora emendat suâ humiditate; nimis humida & frigida amico & leni suo calore fovet; nimis mollia benigno lupuli amarore firmat & durat; firmior, extenuata magis ac magis corroborat & nutrit.

Ergo Cervisia, Potus saluberrimus.

Proponerebat Parisiis CAROLUS THUILLIER, Aurelius, Baccalaureus Medicus. A. R. S. H. 1695.